


Foot
829.3
i4b



經義考卷二百八十二

秀水 朱彝尊 編

男 昆田 校

承師 二

孔子門人

成回

劉向曰成回學於子路

楚馯臂子弓或作弘

司馬遷曰孔子傳易於商瞿瞿傳楚人馯臂子弘

應劭曰子弓是子夏門人

韓子曰苟卿之書語聖人必曰孔子子弓子弓之事業不傳惟太史公書弟子傳有姓名曰馯臂子弓



吳萊曰荀卿所重仲尼子弓子弓未審何人韓子曰仲尼弟子有馯臂子弓漢儒林傳商瞿受易仲尼瞿傳魯橋庇子庸子庸傳江東馯臂子弓子弓與仲尼不同時又行事無大卓卓不足以配孔子邢昺論語疏引王弼說逸民朱張字子弓然弼說又不見有他據也要之孔子嘗稱冉雍可使南面且在德行之科雍字仲弓蓋與子弓同是一人如季路又稱子路然也將荀卿之學實出於子弓之門人故尊其師之所自出與聖人同列

按子庸傳易於子弓弓或作弘吳氏欲更作雍未免失之鑿矣

魯橋庇子庸

班固曰商瞿受易孔子以授魯橋庇子庸

司馬貞曰橋庇世本作橋疵字子肩魯莊公族

按子木傳易史記謂子弘授子庸漢書漢紀釋文謂子庸授子弓所載互異今並存之

魏文侯都

徐廣曰名都世本曰斯也

鮑彪曰桓子之孫

吳師道曰名勘

按文侯受經藝于子夏撰有孝經傳詳見孝經部

晉段干木

呂不韋曰段干木晉國之大駟也學於子夏為天下名士顯人以終其壽

羅泌曰段干氏初邑段後邑干因邑為氏魏世家有段干

子田世家有段干朋而風俗通氏姓注乃以為姓段名干木蓋以呂氏春秋干木光于德與魏都賦干木之德之言誤之唐百官表遂謂封段而為干木大夫疎矣幽通賦云木偃息以藩魏干木豈其名哉

田無擇子方

李頤曰魏文侯師也名無擇

韓子曰子夏之學其後有田子方子方之後流而為莊周故周之書喜稱子方之為人

齊高行子

趙岐曰高子齊人

徐整曰子夏授詩於高行子

王應麟曰高行子即詩序及孟子所謂高子也

曾申子西

劉向曰左邱明授春秋於曾申

趙岐曰曾西曾子之孫

陸德明曰曾參之子受詩於子夏

王應麟曰曾西趙岐注以為曾子之孫集注因之經典序

錄曾申字子西曾參之子子夏以詩傳曾申左邱明作傳

以授曾申曾西之學于此可考楚鬪宜申公子申皆字子

西則曾西之為曾申無疑

按史記吳起事曾子其母死不歸曾子薄之而與

起絕所云曾子疑是曾申

齊公羊高宋贈臨菑伯

詳見春秋部

吳兢曰公羊高乃子夏弟子

魯穀梁赤宋贈龔邱伯改贈睢陽伯 詳見春秋部

應劭曰子夏弟子

按羅長源撰路史炎帝之後不言有公羊穀梁氏
羅子蒼識遺云公羊穀梁自高赤作傳外更不見
有此姓萬見春謂皆姜字切韻脚疑為姜姓假託
然自高傳子平平傳子地地傳子敢敢傳子壽見
於戴宏所記而班氏古今人表載有二子居第四
等計劉氏宋氏世本亦必載之未必假託也
又按春秋為孔子所作則說春秋者必係孔氏門
人若公羊傳所稱沈子司馬子女子北宮子魯子
高子穀梁傳所稱尸子沈子皆是已子言之春秋
屬商其皆子夏之徒與

子思子及宋崇寧初贈沂水侯咸淳中加贈沂國公元至順
中贈述聖公

孔鮒曰子思受業於曾子

韓子曰子思之學蓋出曾子

按班氏古今人表子思居第二等

樂正子春

鄭康成曰曾子弟子

魯檀弓

陸德明曰檀弓魯人善于禮

胡寅曰檀弓曾子門人纂修論語

沈猶行

趙岐曰曾子弟子

按廣韻注沈直深切漢複姓魯有沈猶氏常朝飲其羊不當從上聲讀

陽膚

包咸曰陽膚曾子弟子

公明高

趙岐曰公明高曾子弟子

公明宣

劉向曰公明宣學於曾子

單居離

大戴禮記注曰單居離曾子弟子

公明儀

孔穎達曰子張之喪公明儀為志焉公明儀是其弟子儀又為曾子弟子故祭義云公明儀問於曾子曰夫子可以為孝乎是也

子襄

趙岐曰曾子弟子

公孫尼子

按漢書藝文志儒家有公孫尼子二十八篇雜家有公孫尼一篇注云七十子之弟子隋經籍志唐藝文志均載公孫尼子一卷注云似孔子弟子沈約謂樂記取公孫尼子劉瓛謂緇衣公孫尼子所作今從漢志定為孔子門人

世碩

按漢志世子二十一一篇列在儒家者流注云名碩

陳人七十子之弟子王充論衡本性篇周人世碩以爲人性有善有惡在所養焉故作養書一篇宓子賤漆雕開公孫尼子之徒亦論性情與世子相出入志所載宓子十六篇漆雕子十二篇皆宗師仲尼以重其言者也

景子

按漢志景子三篇注云說宓子語似其弟子

王史氏

劉向曰六國時人

按漢志王史氏二十一篇注云七十子後學者

李克

按漢志李克七篇注云子夏弟子爲魏文侯相

羊嬰

按漢志羊子十八篇注云名嬰齊人七十子之後

公孫段

韓非曰孔子之後儒分爲八有子張氏子思氏顏氏孟氏漆雕氏仲良氏公孫氏樂正氏之儒

陶潛曰顏氏傳詩爲道爲諷諫之儒孟氏傳書爲道爲諫通致遠之儒漆雕氏傳禮爲道爲恭儉莊敬之儒仲良氏傳樂爲道以和陰陽爲移風易俗之儒樂正氏傳春秋爲道爲屬辭比事之儒公孫氏傳易爲道爲潔靜精微之儒

按儒分爲八其一公孫氏傳易者也羣輔錄有明徵而未詳其名攷晉書太康二年汲郡人不準發魏冢得竹書易五篇公孫段與邵陟論易二篇

此則公孫氏之易矣或疑公孫氏為龍龍字子石
雖在七十子之列不聞傳易若趙人名龍者字子
秉故莊子謂惠子曰儒墨楊秉四與夫子為五果
孰是邪所云秉者龍也詭辭數萬騁堅白異同之
辯初非孔氏弟子小司馬史記索隱誤認為一人
今攷定傳易者為公孫段若鄭大失字伯石者又
一人也

縣亶父

亶索隱作豐家語無父字依廣韻注添子象

王應麟曰縣豐唐宋封爵皆不及禮記檀弓有縣子豈其
人與

按子象為孔子門人見廣韻注此唐宋封爵未之
及云

公休哀

公祈哀

廣韻注孔子門人有公休哀公祈哀

按公祈哀疑即公皙哀以皙作祈形相類而譌也
然廣韻注既列孔子弟子公皙哀于前又列孔子
門人公祈哀于後則別是一人未可臆決也

盆成适

按晏子春秋景公宿于路寢之宮夜分聞西方有
男子哭者公悲之明日朝問于晏子晏子對曰西
郭徒居布衣之士盆成适也父之孝子兄之順弟
也又嘗為孔子門人今其母不幸而死耐柩未葬
家貧身老子孺恐力不能合耐是以悲也公曰子

經義考 卷二百八十二
為寡人弔之嬰往弔咎公不辱臨公使男子袒免
女子髮笄開凶門而迎适則适乃與景公同時不
當與孟子弟子之列宋配祀孟子追贈萊陽伯趙
邠卿言适嘗欲學於孟子亦疑辭也

歐陽子有言受業者為弟子受業於弟子者為門
人試稽之論語所云門人皆受業於弟子者也顏
淵死門人厚葬之此顏子之弟子也子出門人問
此曾子之弟子也子疾病子路使門人為臣又門
人不敬子路此子路之弟子也子夏之門人問交
於子張此子夏之弟子也孟子云門人治任將歸
入揖於子貢此子貢之弟子也觀洪氏隸釋隸續
所載東漢諸碑有弟子復有門生門人弟子固有
別矣若夫弟子之子分比於門人子淵子輿本門
人也而列於弟子他如季路之子子崔子輿之子
元及華子游之子言思子張之子申詳雖未詳其
所師要當互學於七十子者也
又按孔子門人古今人表居第三等者樂正子春
段干木田子方第四等者公羊子穀梁子公明高
第五等者陽膚第六等者檀弓而子張之子申詳
亦置第三等

曾申弟子

李克

吳起

按曾申受詩于子夏受春秋于左邱明以授克與

起焉是二人者皆子西之弟子矣

公明高弟子

長息

趙岐曰長息公明高弟子

田子方弟子

翟黃

按韓非子田子方從齊之魏望翟黃乘軒騎駕出方以為文侯也移車異路而避之則從翟黃也是黃子方弟子也

公羊高子

公羊冲

戴宏曰子夏傳春秋於公羊高高傳與其子平

穀梁子弟子

孫卿

顏師古曰穀梁子受經於子夏傳孫卿

按子夏詩四傳為根牟子五傳而至孫卿古今人表居二等

高行子弟子

薛倉子

李克弟子

孟仲子

趙岐曰孟仲子孟子之從昆弟

吳起子

吳期

孫卿

劉向曰左邱明授曾申申授吳起起授其子期

薛倉子弟子

帛妙子

孟仲子弟子

根牟子

古今人表居第六等

吳期弟子

楚太傅鐸椒

公羊平子

公羊地

孫卿弟子

魯申公

毛亨

帛妙子弟子

毛亨

按陸氏釋文子夏詩五傳而至孫卿卿傳大毛公而徐整則云帛妙子授大毛公今並存之

公羊地子

公羊敢

公羊敢子

公羊壽

戴宏曰壽乃共弟子胡毋子都著於竹帛

子思弟子

費惠公

子思門人

孟子軻字子居一作車宋元豐中贈鄒國公元至順中贈亞聖

公

按史記孟子列傳受業子思之門人而王劭疑人字為衍文韓退之亦云孟子學子思蓋本趙岐孔鮒之說也詳見孟子部

孟子弟子

樂正克宋政和中贈利國侯

趙岐曰孟子弟子為魯臣

萬章宋贈博興作

趙岐曰孟子弟子

公孫丑宋贈壽光伯

趙岐曰孟子弟子

浩生

亦作告

不害宋贈東阿伯

趙岐曰齊人

孟仲子宋贈新蔡伯

趙岐曰孟子之從昆弟從學于孟子者也

陳臻宋贈蓬萊伯

趙岐曰孟子弟子

充虞宋贈昌樂伯

趙岐曰孟子弟子

屋廬連宋贈奉符伯

趙岐曰孟子弟子

徐辟宋贈山源伯

承師

趙岐曰孟子弟子

陳代宋贈沂水伯

趙岐曰孟子弟子

彭更宋贈雷澤伯

趙岐曰孟子弟子

公都子宋贈平陰作

趙岐曰孟子弟子

咸邱蒙宋贈須城伯

趙岐曰孟子弟子

高子宋贈泗水伯

趙岐曰齊人嘗學於孟子

桃應宋贈膠水伯

趙岐曰孟子弟子

盆成括宋贈萊陽伯

孫奭曰盆成括嘗學于孟子

滕更

趙岐曰滕君之弟來學于孟子

按趙岐注孟子以季孫子叔二子為孟子弟子季

孫知孟子意不欲而心欲使孟子就之故曰異哉

弟子之所聞也子叔心疑惑之亦以為可就之矣

孫宣公奭猶因其說故政和五年從太常議贈季

孫豐城伯子叔乘陽伯自朱子集注出乃始非之

世莫有從趙氏之說者矣吳立夫氏撰孟子弟子

列傳書雖不傳序稱一十九人則未嘗依朱子去

季孫子叔二人益以滕更適合十九人之數攷蓋
心篇公都子曰滕更之在門也趙岐注滕更滕君
之弟來學於孟子也其為弟子甚明不知宋太常
之議何獨贈爵不及有不可解者至於史記索隱
以公明高為孟子弟子而廣韻注謂離婁為孟子
門人無稽之言君子不信又廣韻注詮邱字引孟
子齊有曼邱不擇今七篇無其文弟子與其不謂
之弟子與吾不得而知之矣
又按班氏古今人表孟子居第二等其弟子公孫
丑居第三等萬章樂正子告子高子居第四等徐
子居第五等餘不與焉

經義考卷一百八十二終

外曾孫周元熙覆抄

經義考卷二百八十三

秀水 朱彝尊 編

男 昆田 校

承師 三

易

田何

史記孔子弟子傳孔子傳易於商瞿瞿傳楚人馯臂子弘

弘傳江東人矯子庸疵疵傳燕人周子家豎豎傳淳于人

光子乘羽羽傳齊人田子莊何

漢書儒林傳自魯商瞿子木受易孔子以授魯橋庇子庸

子庸授江東馯臂子弓子弓授燕周醜子家子家授東武

孫虞子乘子乘授齊田何子襄

按史記漢書所載授受不同姓名亦異未知孰是
荀氏漢紀陸氏釋文序錄並同漢書

田何弟子

東武王同子中

洛陽周王孫

將軍梁丁寬子襄

齊服生

梁項生

王同弟子

太中大夫淄川楊何叔元

城陽相齊即墨成

太子門大夫廣川孟佗

魯周霸

莒衡胡

齊相臨淄主父遷

周王孫弟子

將軍梁丁寬子襄

丁寬弟子

碭田王孫 漢紀碭作槐里

楊何弟子

大史公司馬談

太中大夫京房 漢書注別一京房非焦延壽弟子

田王孫弟子

博士沛施讐長卿

曲臺署長蘭陵孟喜長卿

少府琅邪梁邱賀長翁

本從太中大夫京房受易後更事田王孫

施讐弟子

黃門郎琅邪梁邱臨

安昌侯河內張禹子文

會稽太守琅邪魯伯

張禹弟子

大司空長平侯淮陽彭宣子佩

少府沛戴崇子平

魯伯弟子

常山太守太山毛萇如少路

琅邪郚丹曼容

治施氏易

沛人戴賓 平帝時人

騎都尉東昏劉昆桓公 戴賓弟子 子宗正軼君文

徵士梓潼景鸞漢伯

孟喜弟子

蘭陵白光少子

沛翟牧子兄

司隸校尉魏郡蓋寬饒次公

蜀人趙賓

小黃令梁焦延壽贛

按趙賓焦延壽雖云受易於喜喜雖名賓後不肯
勿翟白皆不肯以延壽易即孟氏學劉向亦以焦

得隱士之說蓋漢儒恪守師說持論之嚴若此

治孟氏易

太山都尉蒙夏恭敬公

大鴻臚育陽注丹子玉

少府中山鮐陽鴻孟孫

成安令汝陽袁良孫司徒安邵公安子蜀郡太守京仲譽

司空敞叔平京子光祿勳彭伯楚彭弟太尉湯仲河

贈褻親侯烏氏梁竦叔敬

博士綿竹任安定祖 以上見范氏後漢書

琅邪都尉廣陵徐淑伯進

議郎南陽宗資叔都 謝氏後漢書

汶長召陵許慎叔重 說文序

零陵太守會稽虞光子平輿令成孫鳳曾孫日南太守欽

元孫騎都尉翻 翻別傳

蜀諫議大夫涪杜徵國輔任安弟子 華陽國志

梁邱賀弟子

子黃門郎臨

梁邱臨弟子

御史大夫琅邪王駿

少府代郡五鹿克宗君孟

五鹿克宗弟子

光祿大夫給事中平陵士孫張仲方

真定太守沛鄧彭祖子夏

新莽講學大夫齊衡咸長賓

治梁邱易

博士代郡范升辨卿

山陽太守呂雉

博士梁恭

左中郎將京兆楊政子行

京兆祁聖元

太子少傅鄆陵張興君上子張掖屬國都尉魴以上范氏後漢書

張堪君游東觀漢紀

重安侯相杜暉慈明隸釋

焦延壽弟子

魏郡太守頓邱京房君明

京房弟子

博士東海段嘉段或作殿

中郎河東姚平

中郎任良

博士河南乘弘乘或作桑

吳郡周敞

治京氏易

大司農長安谷永子雲漢書

沛獻王劉輔

侍中兼虎賁中郎將平輿戴憑次仲

弘農太守南陽魏滿叔牙

方正成武孫期仲或

太尉弘農楊秉叔節

濟北相安平崔瑗子玉

吳令安邱郎宗仲綏子郎中顛稚光

處士廣漢折像伯式

光祿大夫魯陽樊英季齊

郎中南昌唐檀子產

京兆第五元先

大司農北海鄭彖康成

以上范氏後漢書

處士南昌徐穉孺子

召陵令鄧李炳子然

光祿勳華陰劉寬文饒

東海相平陵韋著休明

以上謝氏後漢書

遼東太守山陽度尚博平

司馬氏續漢書

北唐子真

廣韻

費縣令東平陽田君

集古錄

吳鬱林太守吳郡陸績公紀

晉隱士弘農董景道文博

著作佐郎晉陽郭琦公偉

尚書郎贈弘農太守聞喜郭璞景純

廣武將軍廬江韓友景先

趙尚書光祿大夫太子少師上洛臺產國儻

以上晉書

晉給事中成都任熙伯遠

華陽國志

費氏易

單父令東萊費直長翁

費直弟子

琅邪王璜平中

治費氏易

尚書令韓歆

司空南閣祭酒京兆陳元長孫

南郡太守扶風馬融季長

大司農河南鄭眾仲師

大司農北海鄭玄康成

司空潁川荀爽慈明

荊州五業從事章陵宋忠仲子

魏大司農華陰董遇季直

衛將軍太常蘭陵王肅子邕

尚書郎高平王弼輔嗣

高氏易

沛人高相治易自言出於丁將軍

高相弟子

子郎官康

豫章都尉蘭陵毋將永

韓氏易

常山太傅燕韓嬰推易意為之傳惟韓氏自傳之孫商為

博士其後涿郡韓生以易徵待詔殿中

涿韓生弟子

蓋寬饒

白氏易

博士白子友

白子友弟子

槐里令平陵朱雲字游

朱雲弟子

泰山太守九江嚴望

博士九江嚴元仲能

長安惠莊

鄭康成弟子

御史大夫山陽郟慮鴻豫

魏鎮南將軍安樂鄉侯東萊王基伯興

魏中尉清河崔琰季珪

魏太僕樂安國淵子尼

魏黃門侍郎樂安任嘏昭光

河內趙商以上見後漢書

尚書左丞北海張逸見鄭氏別傳

冷剛

田瓊

足模

焦喬

王權

鮑遺

陳鐸

崇精以上見鄭志

治鄭氏易

蜀大長秋南陽許慈仁篤

晉開府儀同三司錄尚書事臨穎荀崧景猷

豫章太守順陽范甯武子

從事中郎上黨續咸孝宗 以上晉書

處士廣武周續之道祖 范甯弟子

南齊開府儀同三司領中書監琅邪王儉仲寶

散騎常侍吳郡陸澄彥深 以上南史

魏祕書令泥陽梁祚

處士華陰徐遵明子判

北齊國子博士范陽盧景裕仲孺

清河崔瑾 以上二人遵明弟子

國子博士河閒權會正理

郭茂 以上二人景裕弟子

周子易

按周子之易通書是也故又名易通若夫太極一圖遠本道書圖南陳氏從而演之為圖者四位五行其中自下而上初一曰彖牝之門次二曰鍊精化氣鍊氣化神次三五行定位曰五氣朝元次四陰陽配合曰取坎填離最上曰鍊神還虛復歸无極故謂之无極圖乃方士修鍊之術耳當時曾刊於華山石壁相傳圖南受之呂岳岳受之鍾離權權得其說於魏伯陽伯陽聞其旨於河上公在道家未嘗謂為干聖不傳之祕也周子取而轉易之亦為圖者四位五行其中自上而下最上曰无極而太極次二陰陽配合曰陽動陰靜次三五行定

位曰五行各一其性次四曰乾道成男坤道成女
最下曰化生萬物更名之曰太極圖仍不沒无極
之旨攷之二程子全書無一語及是圖蓋明道伊
川年十四五時一見元公之後未嘗再遇則手授
是圖之說實出於附會梭山陸氏謂太極圖說與
通書不類疑非周子所爲本愛惜周子之言也不
然必欲實其說以華山刊石之圖陰用其言乃尊
爲聖門要旨遂疑周子私淑於圖南其可哉

邵子易

陳搏授易圖於种放放授許堅穆修堅授李處約處約授
范諤昌諤昌授劉牧修授李之才之才授邵雍

象數鉤深

按伏羲文王孔子三聖人之易一而已矣至康節
邵子原本華山道士陳搏之學畫爲先天八卦橫
圓方圖而證以天地定位一節文謂是伏羲之易
又畫後天八卦圖而證以帝出乎震一節文謂是
文王之易於是易乃析爲二伏羲文王各受其一
而孔子十翼可置而不講矣攷搏所授止曰龍圖
其後李旣則有卦氣一圖李挺之則有卦變反對
六十四卦相生二圖范諤昌則有大易源流一圖
劉牧則有鈎隱四十八圖初未嘗有先天之目也
自邵子二圖出朱子篤信不疑取以冠本義之首
後之學者不名之曰邵氏易直以爲伏羲文王所
授之圖固若是從而辨之者惟袁機仲林黃中黃
東發洎明武城王道數家焉爾

程子易

按二程子問學於濂溪尹和靖言伊川生平用意
惟在易傳然終身不言太極圖一字邵堯夫欲傳
以數學而伊川不屑此真篤信善道確乎其不可
拔者是難能也

程子傳易弟子

監察御史建陽游酢定夫

工部侍郎延平楊時中立

永興軍路提點刑獄河南郭忠孝立之

國子博士金堂謝湜

祕書省正字藍田呂大臨與叔

左奉議郎洛陽尹焞彥明

尚書右丞瑞安許景衡少伊

上舍永嘉鮑若雨商霖

處士壽安張繹思叔

張子易

按伊川嘗語其徒學易先看王弼蓋漢儒言易或
流入陰陽災異之說弼始暢以義理而明道涑水
諸公皆詆其以老莊解易愚攷橫渠易說開卷詮
乾四德即引迎之不見其首隨之不見其後二語
中間如谷神芻狗三十輻爲一轂高以下爲基皆
老子之言在宋之大儒何嘗不以老莊言易然則
弼罪未至深於桀紂也

張子弟子

宣義郎京兆呂大鈞和叔

呂大臨與叔

博士武功蘇昞季明

太學正田腴誠伯

戶部侍郎三水范育異之

朱子易

按朱子易分經異傳一從呂伯恭所定而圖說則篤信邵子冠先後天諸圖於本義前當日表機仲寓書謂專爲邵氏解釋而於易無所折衷且疑先天後天之說謂七八九六不可爲四象四爻五爻無所主名河圖洛書是後人僞作朱子再三與辨且云此非熹之說乃康節之說非康節之說乃希夷之說非希夷之說乃孔子之說是直以希夷上接孔子之易朱子未免失言矣

朱子傳易弟子

權工部尚書兼太子右庶子建陽劉燾晦伯

集英殿修撰清江彭龜年子壽

承議郎閩黃幹直卿

迪功郎主泉州安溪簿龍溪陳淳安卿

贈員外郎崇德輔廣漢卿

通直郎永嘉陳埴器之

處士建安蔡淵伯靜

迪功郎上饒陳文蔚才卿

祕書華亭林至德久

潭州善化令邵武何鎬叔京

迪功郎金華尉饒州董銖叔重

司農卿崇安詹體仁元善

集英殿修撰義烏徐僑崇甫

知建寧縣崇安江默德功

江西轉運司幹都昌馮椅儀之

道南書院堂長永福林學蒙正卿

貢士福州鄭文適成叔

知贛州軍事邵武趙善佐佐卿

著作佐郎建陽葉賀孫味道

麗水尉永嘉戴蒙養伯

處士瓜山先生侯官潘柄謙之

處士同安許升頌之

處士龍坡先生福寧孫調和卿

徵士友堂先生休寧吳昞叔夏

涪陵晏淵亞夫

處士敬義先生甌寧童伯羽蜚卿

處士格齋先生休寧程永奇次卿

吏部右選郎順昌廖德明子晦

辰州通判光澤李方子公晦

右正言衡州襲蓋卿夢錫

知袁州豫章黃帶子耕

無爲軍教授臨海潘時舉子善

直寶章閣清江張洽元德

興國萬人傑正淳

貢士南城包揚顯道

縣尉古田林夔孫子武

處士建昌李輝晦叔

李或作呂

處士浦城楊驥子昂

永福林學履安鄉

臨川黃義剛毅然

廣西經略安撫司幹官光澤李閔祖守約

進士長樂劉砥履之

天台林恪叔恭

永嘉徐寓居父

知遂昌縣浦城楊與立子權

合肥令婺源滕珙德章

潮州鄭南升文振

處士晉江楊至至之

南廊簿領丹陽湯泳叔永

右司郎中龍溪王遇子合

永嘉沈佃莊仲

吉水丞興國吳必大伯豐

臨川甘節吉甫

處士艸窻先生樂平金去偽敬直

處士莆田方士繇伯謨

鄱陽汪德輔長孺

永嘉王顯子敬之

處士順昌余大雅正叔

一云上饒人

處士婺源李季札季子

廣東提點刑獄西坡先生都昌黃灝商伯

一作廣西運判

永嘉徐容仁父

忠州文學莆田鄭可學子上

處士新喻嚴世文時亨

一云字亨父

古田林用中擇之

吉州錄事參軍婺源程洵允夫

直祕閣南昌李燔敬子

一云南康建昌人

處士浦城楊道夫仲思

衡陽廖謙益仲

晉陵錢木之子升

升一作山晉陵一作永嘉

嘉興府判官臨海趙師邦共父

吏部侍郎潭州鍾震春伯

進士長樂劉礪用之

處士建陽周明作元興

延平書院長九江蔡念成元思

處士將樂鄧綱衛老

處士建昌周謨舜弼

鉛山徐子融

鄭光弼子直

處士南平黃卓先之

一云字德美

姜大中叔權

符初復仲

免解試永豐曾祖道擇之

舒高

蕭佐

邵浩

連嵩卿

鄭仲履

呂光祖

范元裕

延平游傲敬仲

進士南城周良

山陽郭友仁德元

蔣標

余宋傑國秀

周標

知南康軍趙師夏致道

貢士寧都曾興宗光祖

知臨安縣武義鞏豐仲至

方諠賓王

呂竦士瞻

林振子玉

吳南宐之

進士南平張顯父敬之

處士建陽吳翌晦叔

黃有開

處士胡斗元聲遠

按文公弟子著錄甚多茲就其作易傳五經說及以易義問答見於語錄者則書之

經義考卷二百八十三終

曾孫壻于 鉉覆校

經義考卷二百八十四

秀水 朱彝尊 編

男 昆田 校

承師 四

尚書

伏勝今文

按郭子橫洞冥記謂伏生受書於秦博士李克然不見於他書未敢深信

又按宋咸平三年贈勝乘氏伯

伏氏弟子

太子家令潁川晁錯

博士濟南張生

千乘歐陽生和伯

臨淮太守魯孔安國子國

按子國少學詩於申公受尚書於伏生見家語後

序

晁錯弟子

丹陽都尉汝陰何比干少卿

何法盛中興書少作長

張生弟子

都尉魯夏侯氏

郡守洛陽賈嘉

魯周霸

夏侯都尉弟子

昌邑王太傅魯夏侯始昌

夏侯始昌弟子

太子太傅東平夏侯勝長公

夏侯勝弟子

太子少傅東平夏侯建長卿

又事歐陽高

光祿勳齊周堪少卿

褒成君魯孔霸次孺

丞相建武侯陽夏黃霸次公

周堪弟子

博士魯國牟卿

列卿長安許商長伯

孔霸弟子

霸授漢元帝及子光

經義考 卷二百八十四 二
牟卿弟子

丞相博山侯魯光子夏

許商弟子

列卿沛唐林子高

博士平陵吳章偉君

列卿重泉王吉少喜

博士齊快欽幼卿

吳章弟子

御史大夫平陵云敞幼孺 西京雜記云作曹

治大夏侯氏書

太尉參錄尚書事北海牟融子優

解陽鴻

侍中領騎都尉平陵賈逵景作

司隸校尉南陽宋意伯志

大司農定陶張馴子篤 以上范氏後漢書

議郎臨淄吳良大儀 劉氏東觀漢記

晉江陽太守蜀郡何隨季業 常氏華陽國志

夏侯建弟子

少府平陵張山拊長賓

張山拊弟子

黃門侍郎平陵李尋子長

關內侯光祿大夫領尚書事平陵鄭寬中少君

廣陵太傅山陽張無故子孺

城陽內史信都秦恭延君

膠東相陳留假倉子驕

鄭寬中弟子

御史大夫東郡趙彘

水衡都尉扶風班伯

張無故弟子

新太傅沛唐尊伯高

秦恭弟子

博士魯馮賓

治小夏侯氏書

大司徒司直蘭陵王良仲子

後漢書

成陽閭葵廉仲潔

隸釋

歐陽生弟子

御史大夫千乘倪寬

倪寬弟子

千乘歐陽生之子傳曾孫高子陽高孫少詹地餘子新室

講學大夫政自歐陽生八世至大司徒夜侯歛正思

魯簡卿

歐陽高弟子

太子太傅濟南林尊長賓

林尊弟子

丞相關內侯平陵平當子思

信都太傅梁陳翁生

平當弟子

博士九江朱普公文

司祿渤海鮑宣子都

陳翁生弟子

博士琅邪殷崇

右扶風楚龔勝君賓

朱普柔子

太常關内侯沛桓榮春鄉

議郎彭閔作明

議郎吳郡臯弘奉姆

桓榮弟子

虎賁中郎將南昌何湯仲弓

侍講九江胡憲

少府潁川丁鴻孝公

九江鮑駿

汝南張黼孟侯

太常桓郁仲恩子大鴻臚陽平侯焉叔元焉孫御史中丞

關内侯典公雅

丁鴻弟子

蕪長陳留陳奔叔明

太尉彭城劉愷

北海巴茂

太常九江朱張

桓郁弟子

太尉弘農楊震伯起子太尉秉叔節

桓焉弟子

司空邠鄉侯江夏黃瓊世英

司空臨晉侯弘農楊賜伯獻

楊震門生

虞放

陳翼

歐陽歛弟子

郎中平原禮震仲威

新息高獲敬公

諫議大夫濟陰曹曾伯山子河南尹社

治歐陽氏書

弘農楊寶

兗州牧屯留鮑永君永

諫議大夫堵陽尹敏幼季

中散大夫臨濟牟長君高子博士紆

潁川太守長安宋登叔陽

太尉朱寵

大司農酒泉張奐然明 以上范氏後漢書

太尉河內杜喬叔榮

議郎南陽宗資叔都 謝氏後漢書

郎中鄭固伯堅

綏民校尉領曲紅長熊喬漢舉

成陽閭蔡龔叔謙

河南尹任城景君

步兵校尉景君

郊令景君

三世傳業以上洪氏隸釋

郎中王政季輔

洪氏隸續

丹水丞汝南陳宣彥成

李氏丹浦竅言

按陳宣碑建於建平四年文云卿承家學歐陽尚書碑至明成化中中鄉水薄岍崩始出李襲于出

紀之

孔安國古文

孔氏古文未得列於學官

孔安國弟子

都尉朝

倪寬

中書令河內司馬遷子長

都尉朝弟子

膠東庸生

名譚

庸生弟子

博士部刺史清河胡常少子

胡常弟子

右扶風掾號徐敖

徐敖弟子

王璜

平陵塗暉子真

塗暉弟子

河南桑欽君長

桑或作乘

按魯壁古文安國雖以授都尉朝倪寬司馬遷當

時頒行學官者伏生二十八篇疑安國所授亦止於此遷史本紀世家所載諸篇是已若增多之書未奉詔旨立博士設弟子安國不敢私授故自膠東庸生以下至於桑欽其師傳歷歷可數中如規常塗憚東漢之初頗有習其業者然所授殆亦止二十八篇而已此終漢之世不見增多之書也

蓋豫古文

徐州刺史蓋豫以授陳留太守汝陽周防偉公

桂林漆書古文

大司空扶風杜林伯山以授濟南徐巡東海衛宏林同郡賈逵爲之作訓馬融作傳鄭玄注解

按北海鄭氏注解古文本扶風杜氏漆書初非安國壁中書也唐孔氏正義引康成書贊云我先師棘下生安國亦好此學衛賈馬二三君子之業則雅才好博旣宣之矣攷衛賈馬三君皆治漆書非膠東庸生所傳本乃謂鄭意師祖孔學而賤夏侯歐陽等何其謬論與鄭志張逸問云先師棘下生何時人鄭答云齊田氏時善學者所會處也齊人號之棘下生無常人也然則特汎言之耳人無常人安得有其書乎况安國古文衛賈馬鄭諸儒實均未之見也

孔僖古文

後漢書孔僖字仲和魯人自安國以下世傳古文尚書元和二年春帝東巡狩還過魯幸闕里以太牢祠孔子及七

十二弟子作六代之學大會孔氏男子二十以上者六十
三人命儒者講論遂拜僖郎中召僖從還京師使按書東
觀

按韋昭杜預以前安國五十八篇之書莫有見者
故諸儒箋釋遇引增多篇內文輒云逸書其爲古
文尚書者或出於蓋豫或本於杜林要非安國之
書也惟范史孔僖傳謂自安國以下世傳古文尚
書連叢子亦載孔大夫與僖子季彥問答大夫曰
今朝廷以下四海之內皆爲章句內學而君獨治
古義蓋固已乎季彥答曰先聖遺訓壁出古文臨
淮傳義可謂妙矣而不在科策之例世人固莫識
其奇矣賴吾家世世獨修之若是則壁中之書僖
家具存矣獨怪肅宗幸魯遇孔氏子孫備具恩禮
僖家既有臨淮傳義其時上無挾書之律下無偶
語之禁何不於講論之頃一進之至尊或上之東
觀乃祕不以示人乎竊意僖家古義亦止伏生所
授諸篇而五十八篇則至晉而後增多罔缺也

東漢治古文書

尹敏

孫期

丁鴻

河南尹中山劉祐伯祖

長陵令張楷公超

徵士宛孔喬子松

安成周磐堅伯

以上皆非孔氏書

晉孔氏古文

高士朝那皇甫謐士安

太保鄭沖

扶風蘇愉休預

城陽太守天水梁柳洪季

城陽臧曹彥始

豫章內史汝南梅賾仲真

按孔氏書傳授受正義本之晉書今本晉書無之

詩

魯詩

楚蘭陵令荀卿況

荀卿弟子

齊浮邱伯

浮邱伯弟子

太中大夫魯申培

楚元王劉交字游

楚中大夫魯穆生

楚中大夫魯白生

楚夷王劉郢客

申培弟子

郎中令蘭陵王臧

御史大夫代趙綰

臨淮太守魯孔安國

膠西內史周霸

城陽內史夏寬

東海太守礪魯賜

長沙內史蘭陵繆生

膠西中尉徐偃

膠東內史鄒闕門慶忌

瑕邱江公

魯許生

免中徐公

大江公許生弟子

丞相扶陽侯鄒韋賢長孺子丞相參成兄子車騎將軍賞

許生徐公弟子

博士東平王式翁思

王式弟子

淮陽中尉山陽張長安幼君

楚太傅東平唐長賓

博士沛褚少孫

御史大夫沛薛廣德長卿

張長安弟子

長安兄子諫大夫游卿

張游卿弟子

泗水中尉琅邪王扶

王扶弟子

博士陳留許晏偉君

薛廣德弟子

光祿大夫楚龔勝君賓

太山太守楚龔舍君倩

治魯詩

博士江公

漢書

博士長安右師細君

光祿大夫劉向子政

上谷太守般高嘉子光祿大夫容

太傅褒德侯南陽卓茂子康

江公弟子

博士許晃

一作晏 偉君

明經梓潼李業巨游

五官中郎將任城魏應君伯

大鴻臚會稽包咸子良

右師細君弟子

千乘貞王劉伉

大司農般高詡季回

司徒平陵魯恭仲康弟侍中丕叔臨

侍御史宜春陳重景公

南頓令鄱陽雷義仲公

河隄謁者沛陳宣子興

以上范氏後漢書

召陵令鄴李炳子然

謝氏後漢書

司隸校尉山陽魯峻仲嚴

執金吾丞武榮舍

和洪氏隸釋

齊詩

博士齊轅固

轅固弟子

夏侯始昌

夏侯始昌弟子

少府郊后倉近君

后倉弟子

諫大夫下邳翼奉少君

前將軍領尚書事蘭陵蕭望之長倩

既事后倉復事同學博士白奇

丞相樂安侯東海匡衡稚圭

匡衡弟子

大司空琅邪師丹公仲

高密太傅琅邪伏理游君

詹事潁川滿昌君都

侍中光祿大夫扶風班伯

滿昌弟子

九江張邯

琅邪皮容

伏波將軍新息侯扶風馬援

治齊詩

白奇

景鸞

大司徒不其侯琅邪伏湛惠公

光祿勳伏黯稚文

司空三老伏恭叔齊

侍中屯騎校尉伏無忌

郡功曹繁任未叔本

大鴻臚潁川陳紀元方

韓詩

常山太傅燕韓嬰

韓嬰弟子

淮南貢生

河內趙子

趙子弟子

丞相陽平侯河內蔡誼亦作義

蔡誼弟子

博士河內食子公

昌邑中尉王吉

食子公弟子

部刺史泰山栗豐

王吉弟子

博士淄川長孫順

栗豐弟子

山陽張就

長孫順弟子

東海髮福

治韓詩

長沙太守汝南郅暉君章

千乘太守淮陽薛漢公子

公車令犍為杜撫叔和薛漢弟子下二人同

會稽澹臺敬伯

鉅鹿韓伯高

光祿勳壽春召馴伯春

閩中令閩中楊仁文我

有道山陰趙曷長君杜撫弟子

博士山陽張匡文通

武威太守安定李恂叔英

張恭祖

鄭公

唐檀

公沙穆

夏侯恭

侯包以上後漢書

陳蹯君期謝氏後漢書

山陽太守濟陰祝睦

郎中乘氏馬江元海

廣漢屬國都尉丁魴叔河

中常侍南陽樊安子佑以上隸釋

左彭長關中田君隸續

費令東平陽田君歐陽氏集古錄

從事武梁綏宗趙氏金石錄

何隨華陽國志

晉隱士弘農董景道文博晉書

毛詩

子夏授詩於高行子高行子授薛倉子薛倉子授帛妙子
帛妙子授河間大毛公以傳趙人小毛公一云子夏授曾
申曾申授李克李克授孟仲子孟仲子授根牟子根牟子
授孫卿卿傳毛亨亨授毛萇萇為河間獻王博士

毛萇弟子

趙國貫長卿或作公

貫長卿弟子

阿武令解延年

解延年弟子

徐敖

徐敖弟子

新講學大夫九江陳俠

陳俠弟子

九江謝曼卿

謝曼卿弟子

衛宏

賈徽

治毛詩

鄭眾

賈逵

孔僖

馬融

鄭玄

朱子授詩弟子

上饒陳文蔚才御

嘉興輔廣漢卿

寧德陳駿敏仲

福寧孫調和卿

建陽劉燭晦伯

義烏徐僑崇甫

馮誠之

衡州龔蓋卿夢錫

順昌廖德明子晦

興國萬人傑正淳

建陽葉賀孫味道

永豐沈佃莊仲

臨川黃義剛毅然

建陽魏椿元壽

臨漳陳淳安卿

臨川甘節吉甫

邵武李閔祖守約

呂德明

晉陵錢木之子升

上饒余大雅正叔

天台潘時舉子善

浦城楊與立子權

涪陵晏淵亞夫

建寧楊道夫仲思

永嘉黃顯子敬之

邵武李方子公晦

邵浩

南劔游徽敬仲

南康周謨舜弼

丹陽竇從周文卿

九江蔡念成元思

南昌李燔敬子

永嘉徐寓居父

永嘉陳埴器之

鄱陽董銖叔重

黃有開

泉州楊至至之

南康呂燾德昭

三山林夔孫子武

建陽周明作元興

潮州鄭南升文振

建安熊夢兆世卿

魏丙

邵武何鎬叔京

三山劉砥履之

永嘉徐容仁父

黃升卿

馬節之

山陽郭友仁德元

吳振

新安滕璘德粹

永豐曾祖道擇之

臨海趙師邦共父

莆田鄭可學子上

樂平金去偽敬直

舒高

豫章黃當子耕

南平黃卓先之

李輝晦叔

岳陽李儒用仲秉

興國吳必大伯豐

南康胡泳伯量

建昌包揚顯道

平江李杞良仲

邵武劉炎潛夫

臨川吳琮仲方

江疇

林子蒙

蘇宐

三山黃幹直卿

三山劉礪用之

汀州楊方子直

鄱陽董拱壽仁叔

潘植立之

經義考卷二百八十四終

曾孫壻褚寧世覆校

經義考卷二百八十五

秀水 朱彝尊 編

粵 昆田 校

承師 五 廣譽附

禮

周禮

武帝開獻書之路有李氏得周官上於河間獻王獨闕冬
官取考工記補之合成六篇奏之

治周禮

中壘校尉劉歆子駿

緱氏杜子春

太中大夫河南鄭興少贛子大司農衆仲師

顏陰令扶風賈徽元伯子侍中達景伯

衛宏

尚書南陽張衡平子

趙岐

馬融

鄭康成

盧植

尚書郎山陽仲長統公理

儀禮

魯高唐生傳士禮十七篇

侍其生得十七篇

右漢藝文志梁七錄所說不同要是一書

又按宋咸平三年贈生萊蕪作

治儀禮

禮官大夫魯徐生傳子至孫禮官大夫延廣陵內史襄

禮官大夫公戶滿意

禮官大夫桓生

禮官大夫單次 以上三人徐氏弟子

淮陽太守瑕邱蕭奮

東海孟知 蕭奮弟子

少府東海后倉近君

魯閭邱卿 以上二人孟卿弟子

鄭康成

禮記

後倉說禮數萬言號曰后氏曲臺記

后倉弟子

中山中尉沛聞人通漢子方

信都大傅梁戴德延君

九江太守梁戴聖次君

按宋咸平三年贈聖楚邱伯政和三年改贈考城

伯

東平太傅沛慶普孝公

大戴氏弟子

郡守琅邪徐良旂卿

小戴氏弟子

大鴻臚梁橋仁季知

琅邪太守梁楊榮子孫

慶普弟子

魯夏侯敬

豫章太守沛慶成

治小戴禮

劉祐

高誘

鄭康成

盧植

治慶氏禮

大鴻臚王臨

五官中郎將捷為董鈞文伯

侍中薛曹充子侍中襄叔通

朱子授禮弟子

三山黃幹直卿

建陽劉燭晦伯

長溪楊復茂才

黃士毅子洪

同安許升順之

興國吳必大伯豐

建陽熊以寧

臨川黃義剛毅然

福寧孫調和卿

括蒼葉賀孫味道

建安蔡淵伯靜

劉黻季文

永嘉沈憫莊仲

邵武李方子公晦

莆田鄭可學子上

嘉興輔廣漢卿

晉陵錢木之子升

興國萬人傑正淳

上饒陳文蔚才卿

南康胡泳伯量

岳陽李儒用仲秉

南康呂燾德昭

臨漳陳淳安鄉

林賜聞一

邵武李閔祖守約

李公謹

吳振

邵告

樂平金去為敬直

浦城楊道夫仲思

豫章黃幣子耕

甌寧童伯羽蜚知

高平黃卓先之

潘植立之

臨川甘節吉甫

鄱陽汪德輔長孺

順昌廖德明子晦

順昌余大雅正叔

南城包揚顯道

建昌李輝晦叔

饒州董銖叔重

建昌吳雉和中

永豐曾祖道擇之

永嘉徐寓居父

鄱陽程端蒙正思

古田林夔孫子武

三山劉砥履之

林子蒙

新安滕璘德粹

黃升卿

臨海潘時舉子善

宣城孫自修敬父

南康周謨舜弼

泉州楊至至之

建陽周明作元興

都昌黃灝商伯

汀州楊方子直

鄱陽王過幼觀

建寧楊驥子昂

三山林學蒙正卿

同安王力行道思

春秋

左氏傳

左邱明授曾申申授吳起起授其子期期授楚人鐸椒椒授虞卿授荀卿卿授漢丞相北平侯武威張蒼蒼傳梁太傅洛陽賈誼誼傳至其孫嘉嘉傳趙人貫公又太中大夫劉公子亦修左氏傳

賈嘉弟子

河閼博士趙貫公子蕩陰令長卿

按劉歆書有魯國柏公

貫長卿弟子

京兆尹河東張敞子高

御史清河張禹長子

張禹弟子

諫大夫尹更始子大司農咸

尹更始弟子

胡常

丞相高陵侯上蔡翟方進子咸

胡常弟子

郎中黎陽賈護季君

翟方進弟子

劉歆

又事尹咸

賈護弟子

新厭難將軍蒼梧陳欽子佚子博士元長孫

劉歆弟子

賈徽子達

陳元弟子

將作大匠扶風馬嚴威鄉

治左氏春秋

太子太傅下邳嚴彭祖公子

青州牧不其房鳳子元

光祿勳王龔

博士金子嚴

武都太守關內侯魯孔奮君魚弟奇子城門校尉嘉山甫

鄭興

鄭衆

博士魏郡李封

太中大夫魏郡許淑惠卿

外黃令無錫高彪義方

馬融

張恭祖

鄭康成

西鄂長潁川堂谿典季度

張劭

京兆尹南陽延篤叔堅

扶風許伯升

孝廉長平潁容子嚴

九江太守河南服虔子慎

司徒掾王玠或作珍

汝南彭汪仲博

議郎章陵謝該文儀

宋忠

陳留邊讓文禮

尉汝南許公

白侯子安

潁川劉子奇

前將軍漢壽亭侯關羽

光祿大夫新野李敏敬達

太中大夫涪尹默思潛

涪李仁德賢子右中郎將譔欽仲

魏司徒王朗

王肅

中散大夫嵇康叔夜

曹耽

荊州刺史王基

大司農董遇

博士河東樂詳文載

徵士燉煌周生烈

杜寬

鉅野李典曼成

南陽太守獲嘉楊俊季才

吳安遠將軍蒼梧士燮威彥

輔吳將軍彭城張昭子布

漢壽潘濬承明

晉鎮南大將軍當陽侯杜陵杜預元凱

公羊氏傳

子夏傳與公羊高高傳與其子平平傳與其子地地傳與其子敢敢傳與其子壽至漢景帝時壽乃共弟子博士齊人胡母子都著於竹帛與董仲舒同業

按公羊子受春秋於子夏而傳中有子沈子子司馬子子女子子北宮子又有魯子高子何休注云沈子稱子冠氏上者著其爲師也其不冠子者他

師也徐彥疏云孔氏之門徒受春秋非唯子夏故
有他師隱十一年傳記子沈子欲明子夏所傳非
獨公羊氏矣則其傳不出於一人班固古今人表
有沈子顏師古注云魯人也善春秋亦有北宮子

魯子皆在中中

胡母子都弟子

丞相平津侯公孫弘

董仲舒弟子

梁相蘭陵褚大

諫大夫東平嬴公

廣川安仲溫

丞相長史廣川呂步舒

鮑敬

嬴公弟子

東海孟鄉

符節令魯眭弘字孟

孟卿弟子

太子太傅蘭陵疏廣仲翁

眭弘弟子

太子太傅下邳嚴彭祖公子

齊郡太守丞薛顏安樂翁孫

御史大夫琅邪貢禹少翁 始事李公

疏廣弟子

御史中丞琅邪筦路 又事顏安樂

嚴彭祖弟子

少府琅邪王中

顏安樂弟子

菑川太守淮陽泠豐次君

少府菑川任翁

劉向

王彥

貢禹弟子

潁川堂谿惠

筦路弟子

大司農鄆陵孫寶子嚴

王中弟子

東平太傅琅邪公孫文

荊州刺史琅邪東門雲

泠豐弟子

大司徒東海馬宮游鄉

郡守九卿琅邪左咸

堂谿惠弟子

丞相史泰山冥都 又事顏安樂

治公羊春秋

侍中蜀郡張寬叔文

侍郎申輓

伊推

廬江太守丞汝南桓寬次公

宋顯

鄭興

侍中扶風李育元春

戴宏

博士羊弼

成都楊終子山

諫議大夫樊何休邵公

鄭康成

荀爽

以上范氏後漢書

徐淑

處士東莞綦母君

廣陵太守琅邪趙昱

車騎將軍宕渠馮緄鴻卿

以上謝氏後漢書

重安侯相杜暉

隸釋

治嚴氏春秋

郭暉

琅邪太守河內李章第公

騎都尉關內侯東緡丁恭子然

左中郎將雍邱樓望次子

侍中琅邪承宮少子

左中郎將汝陽鍾興少文

侍中騎都尉三老安邱周澤雅都

太子少傅安邱甄宇長文子普孫孝廉承

海西令南昌程曾秀升

長水校尉南陽樊儵長魚

會稽太守成都張霸伯饒儵弟子下二人同

九江夏勤伯宗

潁川李修

諸生孫林 劉固 段著

長陵令張楷公超 以上范氏後漢書

中山劉祐 謝氏後漢書

山陽太守祝睦

泰山都尉魯孔宙季將 王粲漢末英雄記張璠漢記宙字公緒

北海尉陸暹孟輔 以下宙弟子

陳留樂禹宣舉

下邳朱班

寧陽周順

沛周升仲甫

汶陽陳袞聖博

平輿謝洋子讓

山陽丁培實堅

魯戴璋元圭

卞王政漢方

鉅鹿張雲子平 以下宙門生

瘦陶趙政元正

廣宗捕巡升臺

寧陽韋勲幼昌

館陶張上仲舉

館陶王時子表

陰安張典少高

魏郡孟忠待政

魏郡李鎮世君

館陶吳讓子敬

館陶文儉元節

館陶鄉瑱仲雅

鄴暴香伯子

東武陽梁淑元祖

東郡趙恭和平

東武陽張表公方

東武陽滕穆奉德

樂平桑演仲厚

樂平靳京君賢

樂平梁布叔光

樂平桑顯伯異

平邱司馬規伯昌

下博張祺叔松

安平張朝公房

安平蘇觀作臺

堂陽張琦子異

安邱齊納榮謀

北海呂升山甫

劇秦麟伯麟

北海如廬浮遺伯

劇薛顛勝輔

北海高冰季超

梁鄒趙震叔政

梁鄒徐璜幼文

東平陵吳進升臺

廣川李都元章

貝邱賀曜升進

魏郡許祺升明

館陶史崇少賢

館陶孫忠府文

東郡盧精子筭

任城任景漢

下博張忠公直 以上隸釋

巴郡太守樊敏升達

東牟侯相祝長嚴訪少通 以上金石錄

治顏氏春秋

博士河陽張亨君夏 後漢書

司隸校尉魯峻仲嚴

汝南干□

沛丁直

魏郡馬萌

渤海呂圖

任城吳盛

陳留誠屯

東郡夏侯弘 以上隸釋

穀梁氏傳

穀梁赤受經於子夏作傳傳之荀卿卿傳魯申公申公傳博士瑕邱江公公傳子至孫為博士

按穀梁傳亦援沈子之言又有尸子度即伎也伎為衛鞅師

江公門生

魯榮廣王孫

皓星公 皓或作浩

榮廣弟子

諫大夫郎中戶將沛蔡千秋少君 又事皓星公

梁周慶幼君

中山太傅丁姓子孫

蔡千秋弟子

諫大夫長樂戶將邵陵尹更始子大司農咸

丁姓弟子

長沙太傅楚申章昌曼君

尹更始弟子

翟方進

房鳳

江博士弟子

胡常

胡常弟子

新講學大夫梁蕭秉君房

治穀梁春秋

韋賢

夏侯勝

侍中樂陵侯史高

劉向

中郎王亥

南昌尉壽春梅福子真

尹敏

鍾寧君律

密侯霸君房

段肅

魏樂平太守麋信南山

吳尚書僕射丹陽唐固子正

晉掌邑太守張靖

廣陵相魯孔衍舒元

豫章太守順陽范甯武子

論語

仲弓子夏等所撰定

治魯論語

常山都尉龔奮

長信少府夏侯勝兄子太子少傅建

丞相韋賢子弋成

魯荊州刺史扶卿

前將軍蕭望之

安昌侯張禹

治齊論語

昌邑中尉王吉子陽子駿治魯論語

少府宋畸

御史大夫琅邪王卿

御史大夫貢禹

尚書令五鹿充宗

膠東庸譚

安昌侯張禹

治古論語

孔安國

馬融

孝經

河閒顏芝藏子貞出

治今文孝經

長孫氏

博士江翁

少府后倉

諫大夫翼奉

安昌侯張禹

鄭康成

治古文孝經

孔安國

馬融

廣譽

漢

韋賢以詩教授號鄒魯大儒宣帝本始三年爲丞相封扶陽侯少子彜成復以明經歷相位故鄒魯諺曰遺子黃金滿籬不如一經

少府五鹿充宗爲梁邱易元帝好之欲考其異同令與諸易家論充宗辯口諸儒莫能抗有薦朱雲者召入攝齊登堂抗首而講音動左右故諸儒爲之語曰五鹿嶽嶽朱雲折其角

東海匡衡好學善詩諸儒歌曰無說詩匡鼎來匡說詩解人頭

河內張禹字子文成帝爲太子時禹以博士授太子論語及即位以師進位丞相封安昌侯爲論語章句獻之諸儒爲之語曰欲爲論念張文

世祖時正旦朝賀詔令羣臣說經更相難詰義有不通輒奪其席以益通者博士戴憑重坐五十餘席故京師語曰解經不窮戴侍中

扶風井丹字大春博學高論京師爲之語曰五經紛綸井大春

召馴字伯春少習韓詩博通詩傳以志義聞鄉里語曰德行恂恂召伯春

楊政字子行治梁邱易與神聖元同好俱名善說京師語曰說經鏗鏗楊子行論難俗俗神聖元

賈逵長八尺二寸能講左氏及五經本文以夏侯尚書教授諸儒爲之語曰問事不休賈長頭

丁鴻字孝公章帝時與桓郁賈逵等論定五經同異於北宮白虎觀鴻以才高論難最明時人語曰殿中無雙丁孝公

黃香博學經典精究道術京師號之曰天下無雙江夏黃童

魯丕叔陵兼通五經元和初拜趙相雖居官不廢教授關東號曰五經復興魯叔陵

孔僖二子長彥季彥並明經術會徒數百故時人語曰魯國孔氏好讀經兄弟講習皆可聽學士來者有聲名不過孔氏那得成

弘農楊震伯起經明博覽無不窮究諸儒語曰關西孔子楊伯起

劉愷爲太常論議常引正大義諸儒爲之語曰難經伉伉劉太常

成都趙典仲經學孔子七經河圖洛書內外靡不貫綜受業者百有餘人時人號曰天下才英趙仲經

山陽度尚博平通京氏易古文尚書爲吏清潔時又號曰海內清明度博平

河閒劉淑仲承少明五經隱居立精舍講授諸生常數百人時人語曰天下德弘劉仲承

劉祐字伯祖宗室子少修操行學嚴氏春秋小戴禮古文尚書拜宗正三轉大司農靈帝初爲河南尹時人語曰天

下稽古劉伯祖

上虞魏朗少英從博士郤仲信學春秋圖緯又詣太學受五經以陳蕃薦官尚書時人語曰天下忠貞魏少英

議郎蔡衍字孟喜汝南項人少明經講授以禮讓化鄉里時人語曰天下雅志蔡孟喜

魯國孔昱世元少習尚書遭黨事禁錮靈帝徵拜議郎補洛陽令時人語曰海內才珍孔世元

瑕邱檀敷字文友家貧志清不受鄉里施惠舉孝廉連辟公府不就立精舍教授遠方至者常數百人時人語曰海內通士檀文友

荆州牧劉表景升起立學校撰定五經章句時人語曰海內所稱劉景升

荀爽年十二能通春秋論語杜喬稱曰可爲人師遂耽思經書慶弔不行徵命不應潁川爲之語曰荀氏八龍慈明無雙

許慎字叔重博通經籍時人語曰五經無雙許叔重

周舉字宣光博學洽聞爲儒者所宗京師語曰五經縱橫周宣光

廣漢任安字定祖受孟氏易兼通數經時人稱曰居今行古任定祖

陳囂君期善說詩語曰關東說詩陳君期

許晏偉君受魯詩于琅邪王扶改學曰許氏章句列在儒林故諺曰殿上成羣許偉君

折象字伯式事東平虞叔雅以道教授門人朋友自遠而

至時人諺曰折氏客誰朱雲卿段節英中有佃子趙仲平
但說天文論五經

魏

賈洪字叔業好學有才精於春秋左傳與馮翊敬危材學
相高衆人爲之語曰州中粵粵賈叔業辨論洵洵敬文通
裴秀李彥著易論樂論年二十五爲黃門侍郎時人語曰
後進領袖有裴秀

晉

宋

陶覆之字孫宗爲太常丞習于禮凡宗廟疑義多所決定
時人語曰定禮決疑問陶覆之

齊

沈麟士隱居餘不吳差山講經教授從學數十百人各營
屋宇依止其側時人語曰差山一作差中有高士開門教授
居成市

梁

賀琛爲散騎常侍領尚書左丞參禮儀事每進見武帝與
語常移晷刻省中語云上殿不下有賀雅琛容止爛雅故
時人呼之

陳

山陰賀德仁與兄德基師事周弘正以文學稱人爲語曰
學行可師賀德基文質彬彬賀德仁

北魏

崔光爲孝明帝講孝經王道業預講安豐王延明錄義時

人語曰英英濟濟王家兄弟

崔暹子達孳年十三暹令儒者教其說周易兩字乃集朝
貴名流達孳升高坐開講趙郡睦仲讓陽屈服之暹大悅
擢仲讓為司徒中郎鄴下為之語曰解義兩行得中郎

北齊

陸又於五經最精熟館中謂之石經人語曰五經無對有
陸又

隋

壽張呂思禮年十四受學于徐遵明長於論難諸生為之
語曰講書論易鋒難敵

經義考卷二百八十五終

曾孫壻徐斐然覆校

經義考卷二百八十七

秀水 朱彝尊 編

男 昆田 校

刊石 一

漢一字石經

隋志一字石經周易一卷

七錄三卷

一字石經尚書六卷

唐志

五卷七錄有今字石經鄭氏尚書八卷七

一字石經魯詩六卷

七錄有毛詩三卷七

字石經儀禮九卷

唐志四卷

一字石經春秋一卷一字石經

公羊傳九卷一字石經論語一卷

七錄二卷唐志同

佚

後漢書靈帝本紀熹平四年春三月詔諸儒正五經文字
刻石立於太學門外

經義考 卷二百八十七
蔡邕傳蔡邕字伯喈陳留圉人拜郎中校書東觀遷議郎
邕以經籍去聖久遠文字多謬俗儒穿鑿疑誤後學熹平
四年乃與五官中郎將堂谿典光祿大夫楊賜諫議大夫
馬日磾議郎張馴韓說太史令單颺等奏求正定六經文
字靈帝許之邕乃白書丹於碑使工鐫刻立於太學門外
於是後儒晚學咸取正焉碑始立觀視及摹寫者車乘日
千餘兩填塞街陌

摯虞三輔決錄注馬日磾字翁叔馬融之族子少傳融業
歷位九卿遂登台輔 魏志官太傅

後漢書韓說傳說字叔儒會稽山陰人舉孝廉中平二年
遷江夏太守

單颺傳颺字武宣山陽湖陸人舉孝廉稍遷太史令出爲
漢中太守

張馴傳張馴字子雋濟陰定陶人辟公府舉高第拜議郎
與蔡邕共奏定六經文字擢拜侍中光和七年徵拜尚書
遷大司農

儒林傳黨人既誅其高名善士多坐流廢後遂至忿爭更
相告言亦有私行金貨定蘭臺漆書經字以合其私文熹
平四年靈帝乃詔諸儒正定五經刊於石碑爲古文篆隸
三體書法以相參檢樹之學門

宦者傳時宦者汝陽李巡以爲諸博士試甲乙科爭第高
下更相告言至有行賂定蘭臺漆書經字以合其私文者
迺白帝與諸儒共刻五經文於石於是詔蔡邕等正其文
字自後五經一定爭者用息

謝承後漢書碑立太學門外瓦屋覆之四面闌障開門於南河南郡設吏卒視之

袁宏後漢紀熹平四年春三月五經文字刻石立於太學之前

揚龍驤洛陽記太學在洛城南開陽門外講堂長十丈廣

二丈

羊頭山記作三丈

堂前石經四部本碑凡四十六枚西行周

易尚書公羊傳十六碑存十二碑毀南行禮記十五碑悉崩壞東行論語三碑二碑毀禮記碑上有諫議大夫馬日磾議郎蔡邕名

楊銜之洛陽伽藍記開陽門外御道東有漢國子學堂堂前有_三種字石經二十五碑表裏刻之寫春秋尚書二部篆科斗隸三種字漢右中郎將蔡邕筆之遺跡也猶有

十八碑餘皆殘毀復有石碑四十八枚亦表裏隸書寫周易尚書公羊禮記四部又讀書碑一所並在堂前魏文帝作典論六碑至太和十七年猶有四存

酈道元水經注漢靈帝光和六年刻石鏤碑載五經立於大學講堂前悉在東側蔡邕以熹平四年與五官中郎將堂谿典光祿大夫馬日磾議郎張馴韓說太史令單颺等奏求正定六經文字靈帝許之邕乃自書丹於碑使工鐫刻立於太學門外於是後儒晚學咸取正焉及碑始立其觀視及筆寫者車乘日千餘兩填塞街陌矣今碑上悉銘刻蔡邕等名魏正始中又立古篆隸三字石經魏初傳古文出邯鄲淳石經古文轉失淳法樹之於堂西石長八尺廣四尺列石於其下碑石四十八枚廣二十丈魏文帝又

刊典論六碑附於其次陸機言太學贊別一碑在講堂西
下列石龜碑載蔡邕韓說高堂谿等名太學弟子贊復一
碑在外中門今二碑並無石經東有一碑是漢順帝陽嘉
八年立猶存不破漢石經北有晉辟雍行禮碑是太始二
年立其碑中折但世代不同物不停故石經淪缺存半毀
幾駕言永久諒同憮焉

江式曰蔡邕採李斯曹喜之法爲古今雜形詔於太學立
石碑刊載五經題書楷法多是邕書後開鴻都諸方獻篆
無出邕者

北史劉芳傳漢世造三字石經於太學學者文字不且多
往質焉芳音義明辨時號劉石經

隋書經籍志後漢鐫刻七經著於石碑皆蔡邕所書魏正
始中又立一字石經相承以爲七經正字後魏之末齊神
武執政自洛陽徙於鄴都行至河陽值岸崩遂沒於水其
得至鄴者不盈大半至隋開皇六年又自鄴京載入長安
置於祕書內省議欲補緝立於國學尋屬隋亂事遂寢廢
營造之司因用爲柱礎貞觀初祕書監臣魏徵始收聚之
十不存一其相承傳拓之本猶在祕府

劉焯傳開皇六年運洛陽石經至京師文字磨滅莫能知
者焯奉勅與劉炫等考定

韋述西京新記曰貞觀中祕書監魏徵參詳考驗蔡邕三
字石經凡十數段請於九成宮祕書監內置之後天斤移
于著作院

竇蒙述書賦注蔡邕書今見打本三體石經四紙石旣尋

毀其本最希

郭忠恕汗簡曰後漢中郎蔡邕寫三體六經邪臣矯嫉未盈一紀尋有廢焉

林罕曰蔡邕於國學所立石經或云隸省者即隸減也少減曰省乃是隸書於篆書中減省點畫而已非是官省之省

李綽曰東都頃年創造防秋館穿掘多得蔡邕鴻都學所書石經後洛中人家往往有之

張舜民口嘉祐末得石經二段於洛陽城乃蔡邕隸書論語

方甸曰石經殘碑在洛陽張景元家世傳蔡中郎書未知何所據漢靈帝熹平四年邕以古文篆隸二體書五經刻

石於太學至魏正始中又爲一字石經相承謂之七經正字今此所傳皆一體隸書必魏世所立者然唐經籍志又有邕今字論語二卷豈邕五經之外復爲此乎據隋經籍志凡言一字石經皆魏世所爲有一字論語二卷不言作者之名而唐志遂以爲蔡邕所作則又疑唐史傳之之誤也蓋自北齊遷邕石經於鄴都至河濱岸崩石沒於水者幾半隋開皇中又自鄴運入長安未及緝理尋以兵亂廢棄唐初魏鄭公鳩集所餘十不獲一而傳拓之本猶存祕府史所謂三字石經者即邕所書然當時一字石經存者猶數十卷而三字石經止數卷而已由是知漢石經之亡久矣不能若此之多也魏石經近世猶存五代湮滅殆盡往年洛陽守因閱營造司所棄碎石識而收之遂加意搜

訪凡得尚書儀禮論語合數十段又有公羊碑一段在長安其上有馬日磾等名號者魏世用日磾等題名本在禮記碑而此乃在公羊碑上益知非邕所爲也尚書論語之文與今多不合者非孔安國鄭康成所傳之本也獨公羊當時無他本故其文與今文無異皆殘闕已甚句讀斷絕一篇之中或不存數字可勝惜哉

歐陽棐集古目錄曰古文篆隸三體凡八百二十九字後漢熹平中校定五經使蔡邕以三體書今其名亡失皆盡皇祐中有蘇望者得摸本左傳於故相王文康家取其完者而刻之莫辨其真僞也在洛陽蘇氏家

趙明誠金石錄曰石經遺字者藏洛陽及長安人家蓋靈帝熹平四年所立其字則蔡邕小字八分書也其後屢經遷徙故散落不存今所有者纔數千字皆土壤埋沒之餘磨滅而僅存者爾按後漢書儒林傳叙云爲古文篆隸三體者非也蓋邕所書乃八分而三體石經乃魏時所建也又按靈帝紀言詔諸儒正五經文字刻石立於太學門外蔡邕傳乃云奏求正定六經文字既已不同而章懷太子注引洛陽記所載有尚書周易公羊傳論語禮記今余所藏遺字有尚書公羊傳論語又有詩儀禮然則當時所立又不止六經矣洛陽記又云禮記碑上有諫議大夫馬日磾議郎蔡邕等名今論語公羊後亦有堂谿典馬日磾等姓名尚在據邕傳稱邕以經籍去聖久遠文字多謬俗儒穿鑿疑誤後學乃奏求正定自書於碑於是後儒晚學咸取正焉今石本既已磨滅而歲久轉寫日就訛舛以世所

傳經書本校此遺字其不同者已數百言又篇第亦時有
小異使完本具存則其異同可勝數耶然則豈不可惜也
哉而後世學者於去古數千百歲之後盡絀前代諸儒之
論欲以己之私意悉通其說難矣余既錄為二卷又取其
文字不同者具列於卷末云

董道廣川書跋曰蔡邕鐫刻七經著於石碑當時號洪都
三字纔三十年兵火繼遭碑亦損缺魏正始中又立一字
石經相承以為七經正字後魏武定四年移洛陽漢魏石
經於鄴魏末齊神武自洛陽徙於鄴都河陽河岸崩遂沒
於水其得至鄴者殆不得其半周大象中詔徙鄴城石經
於洛時為軍人破毀至有竊載還鄴者船壞沒溺不勝其
衆也其後得者盡破為橋基隋開皇六年自鄴京載入長

安置於祕書內省議欲補緝立於國學會亂遂廢營造之
司用為柱礎貞觀初魏徵始收聚之十不一存其相承傳
拓之本猶在祕府當時考驗至詳謂不盡為邕如馬日磧
數輩相與成之然漢隸簡古深於法度亦後世不及故兼
存之趙綽曰唐造防秋館時穿地多得石經故洛中人士
逮今有之考當時所得已是漢世所遺沒而得者國初開
地唐御史府得石經十餘石此又唐末淪沒之所出也

又曰朱越石與兄書曰石經文都闕碑高一丈許廣四尺

駢羅相接太學在南明門外講堂長十丈廣三尺堂前石
經四部本碑四十六枚元魏時西行尚書周易公羊傳等
六碑存十二碑毀南行禮記十五碑悉崩壞東行論語三
碑毀禮記但存諫議大夫馬日磧議郎蔡邕名當是時尚

有碑十八楊銜之謂得四十八碑誤也洛陽昔得石經尚書段殘破不屬蓋盤庚洪範無逸多士多方總二百三十六字其文與今尚書盡同間有異者纔十餘然則古文尚書蓋已見於此或曰魏亦作石經安知此為漢所書哉余謂魏為一字漢為三字此得相亂耶且天命自度碑作亮惠鮮鰥寡碑作惠于矜寡乃逸既誕作乃憲既延治民祇懼作以民肆高宗享國五十九年作百年以書考之知傳受譌誤不若碑之正也又曰石經今廢不存或自河南御史臺發地得之蓋論語第一篇并第十四篇為一碑亡其半矣其可識者字二百七十又自第十八篇至第二十二篇為一碑破闕殘餘得五之一其存字為三百五十七以今文論語校之其異者若抑與之與為意與之我未見好仁者惡不仁者作未見好仁惡不仁朝聞道夕死可矣作可也有三年之愛於其父母無乎字惡居下流而無流字年四十而見惡焉無焉字鳳兮鳳兮作何得之衰往者不可諫也來者猶可追也今本皆異執輿者為誰而作執車者為誰子是魯孔丘與曰是然後曰是知津矣比今書多二字輻而不輟作輟夫子憮然植其杖作置其斯而已矣作其斯以乎子游作子旂而在蕭牆之內作而在于蕭牆之內凡碑所存校其異者已十五之一矣使鴻都舊書盡存則其異可知也夫以邕之所定雖未盡善然漢儒學專其校定眾家得正譌誤多矣

姚寬西溪叢語曰蔡中郎石經漢靈帝熹平四年邕以古文篆隸三體書五經刻石於太學至魏正始中又為一字

石經相承謂之七經正字唐志又有今字論語二卷豈
五經之外復有此乎隋經籍志凡言一字石經皆魏世所
爲有一字論語二卷不言作者之名遂以爲邕所作恐唐
史誤北齊遷邕石經於鄴都至河濱岸崩石沒於水者幾
半隋開皇中又自鄴運入長安尋兵亂廢棄唐初魏鄭公
鳩集所餘十不獲一而傳拓之本猶存祕府當時一字石
經猶數十卷三字石經止數卷而已由是知漢石經之亡
久矣魏石經近世猶存湮滅殆盡往年洛陽守因閱營造
司所棄碎石識而取之凡得尚書論語儀禮合數十段又
有公羊傳碑一段在長安其上馬日磧等所正定之本據
洛陽記日磧等題名本在禮記而日磧乃在公羊碑益知
非邕所爲也尚書論語之文今多不同非孔安國鄭康成
所傳之本也獨公羊當時無他本故其文與今文無異然
皆殘闕已甚宋敏求洛陽記云漢靈帝詔諸儒正定五經
刊石熹平四年蔡邕與五官中郎將堂谿典光祿大夫馬
日磧議郎張馴韓說太史令單颺等奏定六經刊於碑後
諸儒晚學咸取正焉及碑始立其觀視及筆寫者車乘日
千餘兩填塞街衢其碑爲古文篆隸三體立太學門外又
云魏正始中立篆隸古文三字石經又刊文帝典論六碑
附其次於太學又非前所謂一字石經也又晉石經隸書
至東魏孝靜遷於鄴世所傳一字石經即晉隸書又非魏
碑也今漢碑不存晉魏石經亦謬謂之蔡邕字矣唐祕書
省內有蔡邕石經數十段後魏末自洛陽徙至東宮又移
將作內坊貞觀四年魏徵奏於京師祕書內省置武后復

徒於祕書省未知其一字與三字也

黃伯思東觀餘論曰漢石經與今文不同者殊多今畧記

之書女毋翕侮成人今本女無侮老成人保后胥高保后胥戚女永勸憂

勤憂女誕女有近則在乃心今近女比猶念以相從今作女各

翕中各設爾惠朕曷祇動萬民以遷爾謂朕天既付命今

作曰陳其五行今汨嚴恭寅畏天命自亮以民祇懼今亮

治以作懷保小人惠于矜寡今人作民毋兄曰無皇則兄自

敬德皇旦以前人之微言今作是罔顯哉厥世今哉文

王之鮮光今作通殷就大命達殷集論語意與之與今意

孝于惟孝今于朝聞道夕死可也今也是魯孔丘與曰是

是知津矣是魯孔丘與曰是輶不輟子路以告子撫然而

不輟子路行以置其杖而耘今置其斯以乎其斯而譬諸

宮牆今諸賈諸賈之哉今賈又論語每篇各計其章數其

最後云凡二十篇萬五千七百一十字又記諸家異聞之

語若曰在於蕭牆之內蓋毛包周氏於今論語無蓋氏毛

氏書此石刻在洛陽本在洛宮前御史臺中年久摧散洛

人好事者時時得之若騏驎一毛虬龍片甲今張燾龍圖

家有十版最多張氏壻家有五六版王晉玉家有小塊洛

中所有者止此予皆得其拓本論語之末題云詔書與博

士臣左立郎中臣書上臣下皆缺當是著書者姓名或云

此即蔡邕書姓名既亡無以辨之獨刻者陳興姓名甚完

何其幸歟又有一版公羊不知誰氏所得其末云谿典諫

議大夫臣馬日磾臣趙陔議郎臣劉弘郎中臣張文臣蘇

陵臣傅楨雜雜未下谿上缺谿上當是堂謂堂谿典也此

蓋鴻都一字石經然經各異手書不必皆蔡邕也三字者不見真刻獨此一字者乃當時所刻字畫高古精善殊可寶重開元中嘗藏拓本於御府以開元一字小印印之與法書名畫同藏蓋唐世以前未錄前代石刻獨此見收其可寶如此

邵博間見錄曰近年洛陽張氏發地得石十數漢蔡伯喈隸尚書禮記論語各已壞闕論語多可辨每語必他出至十數語則曰凡章若干如朝聞道夕死可也如鳳兮鳳兮何而德之衰如執車者為誰子子路曰為孔子曰是魯孔子與曰是是知津矣如置其杖而耘等語按今世本為異尚書高宗饗國百年今世本肆高宗享國五十有九年為異甚初熹平四年伯喈以經讀遭穿鑿謬妄同馬曰碑等

以前閩攷正自書立石洛陽太學門下摹寫者日千人車乘填塞至隋開皇六年遷其石於長安文字剝泐不可知詔問劉焯劉炫能盡屈羣起之說焯因羅飛章之毀予謂孔子自衛反魯一定詩書之冊至漢熹平六百年有奇已多謬失自熹平至開皇又四百年有奇自開皇至今代又五百年有奇其謬失可勝計耶又隋史既遷其石於長安今尚有出於洛陽者何哉

鄭樵通志畧曰石經始於蔡邕秦火之後經皆初出諸家所藏傳寫或異箋傳之儒皆憑所見更不論文字之訛謬邕校書東觀奏求正定六經文字靈帝許之乃自為書而刻石於太學門外奈當漢之末祚所傳未廣而兵火無存後之人所得者亦希矣今之所謂石經者多非蔡氏之經

洪适隸釋隸續曰石經尚書殘碑盤庚篇百七十二字高宗彤日篇十五字牧誓篇二十四字洪範篇百八字多士篇四十四字無逸篇百三字君奭篇十一字多方篇五字立政篇五十六字顧命篇十七字合五百四十七字熹平四年議郎蔡邕所書者漢儒傳伏生尚書有歐陽大小夏侯之學孔安國尚書漢人雖有爲之訓傳者然不立於學官永嘉之亂三家之書並亡故孔氏傳獨行以其書校之石本多十字少二十一字不同者五十五字借用者八字鴻文勅逸猶之類是也通用者十一字於戲毋女之類是也孔氏叙商三宗以年多少爲先後此碑獨闕祖甲計其字蓋在中宗之上以傳序爲次也但云高宗饗國百年異爾范史云蔡邕以俗儒穿鑿經籍疑誤後學與堂谿典馬

日磾等奏求正定六經文字時博士試甲乙科爭第高下至有行賂改蘭臺漆書經字者靈帝乃從諸儒之請刊石立之太學天下咸取則焉碑高一丈廣四尺陸機洛陽記云碑凡四十六書易公羊二十八碑其十二毀論語三碑其二毀禮記十五碑皆毀北齊徙之鄴都至河陽岸頽半沒於水隋復載入長安有易一卷書六卷魯詩六卷儀禮九卷春秋一卷公羊九卷論語一卷未及補治而亂作營繕者至用爲柱礎唐初魏鄭公收聚之十不存一則石經之散亡久矣本朝一統時遺經斷石藏於好事之家猶崑山片玉已不多見今京華鞠爲檀薊之鄉殘碑日益鮮矣予既集隸釋因以所有饒之會稽蓬萊閣又曰石經魯詩殘碑百七十三字魏唐國風數篇之文也與毛詩異者

如猗作兮貫作宦樞作蔭數字又有一段二十餘字零落不成文惟有叔于田一章及女曰雞八字可讀其間有齊韓字蓋叙二家異同之說猶公羊碑所云顏氏論語碑所云盍毛包周之比也漢代詩分爲四在東京時毛氏詩不立學官隋志有石經魯詩六卷此碑旣論齊韓於後則知隋志爲然也 又曰石經儀禮殘碑四十五字皆大射儀之文也石磨滅字畫比他經不明白靈帝紀云詔諸儒正五經文字刻石立於太學蔡邕傳則云奏求正定六經紀傳旣已不同陸機洛陽記所載但有書易公羊禮記論語爾惟隋志云後漢刻七經於石碑皆蔡邕所書其目有一字石經儀禮九卷乃漢史陸記之疎畧也未央宮有曲臺殿天子射宮也西京無太學於此行禮故后倉著書說禮數萬言名曰曲臺記今禁中有選德殿蓋便坐觀射之地而清閒之燕咨訪治道率在於是殆與曲臺暗合古者射爲六藝之一儀禮一經說射者兩篇後世非介冑之士則不習與古殊矣媵觚媵爵云者媵蓋送也 又曰石經儀禮殘碑一段八行上下皆糜碎行多者六字少者二字聘禮之文也前五行乃使還反命之儀後三行乃出聘遭喪之儀一段十行二十字士虞禮之文也漫滅太甚僅有數字隱隱可認非板本尋繹安能得之因知此碑每行七十三字鴻都遺刻獨此最爲難辨聘禮曰使者歸及郊請反命朝服載檀禳乃入陳幣于朝西上上賓之公幣私幣皆陳上介公幣陳他介皆否束帛各加其庭實皮左公南鄉卿進使者使者執圭垂纁北面上介執璋屈纁立於其左

反命曰以君命聘于某君某君受幣于某官某君再拜以
享某君某君再拜宰自公左受玉受上介璋致命亦如之
執賄幣以告曰某君使某子賄授宰禮玉亦如之執禮幣
以盡言賜禮公曰然而不善乎授上介幣再拜稽首公答
再拜私幣不告君勞之再拜稽首君答再拜若有獻則曰
某君之賜也君其以賜乎上介徒以公賜告如上賓之禮
君勞之再拜稽首君答拜勞士介亦如之君使宰賜使者
幣使者再拜稽首賜介介皆再拜稽首乃退成周之時朝
覲廢而盟會講列國相聘結轍于道往反禮容翫曲備具
靖康建炎閒戎馬南牧已酉年先公張檀請和抵雲中聽
命於粘罕繼徙冷山十有五年然後歸紹興之季金人犯
廣陵明年壬午仲弟徃尋盟隆興之季復入淮壩其明年

乙酉予銜命至燕館其邸十日四見其君燕射訖禮到闕
與上介便服對內殿再拜升階奏使事賜坐飲茶而退既
弛擔件所得之物以聞駭步就賜以所點一二物隨以獻
得告三日涖職如初古禮病于太煩今日之儀無乃太簡
乎 又曰石經公羊殘碑三百七十五字自隱公四年至
威公元年及哀公十四年之文也所書者皆是公羊氏傳
辭而無春秋正經又有顏氏說石文斷續不可考繹蓋嚴
顏異同之辨也以今板本校之惟易四字省四字爾漢注
引陸機洛陽記云禮記碑上有馬日磧蔡邕名今此本有
堂谿典馬日磧趙彘下闕劉弘張文蘇陵傅楨八人姓名
論語碑亦有左立孫表二人姓名陸氏所記未之詳也
又曰石經論語殘碑九百七十有一字前四篇後四篇之

文也每篇必計其章終篇又總其字又載盍毛包周有無不同之說以今所行板本校之亦不至甚異其文有增損者其字亦有假借及用古者有字異而訓不遠若置其杖冒之哉者漢人作文不避國諱威宗諱志順宗諱保石經皆臨文不易樊毅碑命守斯邦劉熊碑來臻我邦之類未嘗爲高帝諱也此碑邦君爲兩君之好何必去父母之邦尚書安定厥邦皆書邦作國疑漢儒所傳如此非獨遠避此諱也水經云光和六年立石於太學其上悉刻蔡邕名魏正始中又刻古篆隸三字石經蓋諸儒受詔在熹平而碑成則光和年也隋志有一字石經七種三字石經三種其論云漢鑄七經皆蔡邕書又云魏立一字石經其說自相矛盾新舊唐志有今字石經七種而汪論語云蔡邕作

又有三字石經古篆兩種蓋唐史以隸爲今字也觀遺經字畫之妙非蔡中郎輩不能爲以黃初後來碑刻比之相去不啻霄壤豈魏人筆力可到當以水經爲據三體者乃魏人所刻儒林傳云爲古文篆隸三體者非也史稱邕自書丹使工鑄刻今所存諸經字體各不同雖邕能分善隸兼備衆體但文字之多恐非一人可辦史云邕與堂谿典楊賜馬日磾張馴韓說單颺等正定諸經今公羊論語之後惟堂谿日磾二人姓名尚存別有趙陲劉弘張文蘇陵傅楨左立孫表數人竊意其間必有同時揮毫者予詳玩遺字公羊詩書儀禮又在論語上劉寬碑陰王曜題名則公羊詩書之雁行也黃初孔廟碑則論語之苗裔也識者當能別之又曰蔡伯喈奉熹平之詔列鴻都之碑晚學

咸所取正未嘗一字好奇也

婁機漢隸字源曰石經漢熹平四年立在西京靈帝紀云詔諸儒正五經文字刻石於太學蔡邕傳云帝從邕與馬日磾所請正定五經文字刊石太學石高一丈廣四尺陸機洛陽記云碑凡四十六多毀但有書易公羊論語而禮記盡毀不存北齊徙於鄴都半沒於水隋復載入長安亂作營繕者以爲柱礎而隋志以謂後漢刻七經於石皆邕所書與紀傳所載不同唐魏鄭公收聚之十不存一尚書存一百三十九字魯詩存一百四十字儀禮存一百四十一字公羊存一百四十二字論語存一百四十三字

張纘曰石經本末丞相洪公論載於隸釋詳矣洪公所未及者今麤見於此唐章懷太子引洛陽記注范曄漢書論

石經凡四十六碑及高澄遷石經於鄴通鑑所書爲五十二碑自東漢歷魏晉宋數百年間洛陽數被兵此碑當有毀者其遷於鄴乃視洛陽記多六焉疑洛陽記未詳也碑製高一丈廣四尺六經文多必非四十六碑所能盡者宋常山公河南志稱石經凡七十三碑常山公博物洽聞歐陽文忠每以古今疑事諮之河南所書必有依據矣後周伐齊毀碑以爲礮石方高緯昏亂兩陣勝負之頃猶需孽婦一觀遂以其國輸後周復何有於石經則此碑之殘毀亦宜也貞觀稽古止得石經數段其傳於今者亦可知其無幾矣蔡邕本傳稱邕自書丹於碑不言爲何體書今世所傳皆爲隸體至儒林傳序則云爲古文篆隸三體書法以相參檢注言古文謂孔氏壁中書以纘考之孔壁所藏

皆科斗文字孔安國當武帝之世已稱科斗書無能知者其承詔為尚書五十九篇作傳為隸古定不復從科斗古文邕獨安能具三體書法於安國之後三百年哉漢建武時杜林避地河西得古文尚書一軸諸儒共傳寶之一軸已為世所珍如此熹平距建武又幾載乃謂六經悉能為古文非事情也或者邕以三體參校其文而書丹於碑則定為隸亦如孔安國之書傳耶儒林傳序疑字有誤者初邕正定六經與堂谿典等數人同受詔今六經字體不一當時書丹者亦不獨邕也姑識其末以俟博識君子趙鯁書史曰欲學隸者當以石經為祖

黃潛曰漢石經自北齊徙鄴隋復徙長安至唐初已不啻亡其什九而拓本猶存開元御府由開元迄今六百年石之僅存者不可知拓本之可見者如是而已未知後六百年其存幾何好古博雅之士所當珍護以謹其傳也

陶宗儀書史會要曰堂谿典五官中郎將馬日磾趙彘官諫議大夫劉弘張馴韓說官議郎張文蘇陵傅楨楊賜孫表官郎中單颺官太史令左立官博士並熹平中奉詔正定諸經者

楊慎曰蔡邕石經趙殿撰家有遺字三卷

于慎行筆塵曰洛陽石經晉末未嘗損失至元魏馮熙常伯夫相繼為洛州刺史取之以建浮屠精舍大致頽落闕有存者委於榛莽其後侍中崔光請遣官守視補其殘闕竟不能行而古迹泯矣視焚書之慘輕重不同其為吾道之厄一也

趙岫石墨鐫華曰漢靈帝光和六年刻石五經文於太學講堂此石經初刻也蔡邕以熹平四年與五官中郎將堂谿典議郎張馴韓說太史令單颺求正定六經文字帝許之邕乃書丹刻石立於太學門外此石經再刻也

按漢熹平刻石光和立石先後總屬中郎所書非再刻也

顧炎武金石文字記曰予兩見此本一於鄒平張氏一於京師孫氏尚書盤庚篇三十餘字論語為政篇七十餘字堯曰篇三十餘字以視洪氏隸釋所存不過什之一而已按石經漢魏皆嘗立之熹平之立石見於後漢書靈帝紀蔡邕傳張馴傳儒林傳宦者傳正始之立石見於晉書衛恒傳而水經注則曰漢碑五經立於太學講堂前悉在東

側碑上悉刻蔡邕等名魏正始中又立古篆隸三字石經魏初傳古文出邯鄲淳石經古文轉失淳法樹之於堂西石四十八枚廣三十丈雒陽伽藍記則曰堂前有三種字石經二十五碑表裏刻之寫春秋尚書二部作篆科斗隸三種字漢右中郎將蔡邕筆之遺跡也猶有十八碑餘皆殘毀復有石碑四十八枚亦表裏隸書寫周易尚書公羊禮記四部又讚學碑一所並在堂前章懷太子引洛陽記則云講堂長十丈廣二丈堂前石經四部本碑凡四十六枚少二枚西行尚書周易公羊傳十六碑存十二碑毀南行禮記十五碑悉崩壞東行論語三碑二碑毀禮記碑上有諫議大夫馬日磾議郎蔡邕名此皆當時親見其石而記之者也合而考之其不同有四焉一曰漢五六七經之不

同二曰魏石經三體一體之不同三曰堂西所立石為漢為魏之不同四曰後魏所存石諸經之不同後漢書本紀儒林宦者傳皆云五經蔡邕張馴傳則以為六經隋書經籍志又以為七經此言漢五六七經之不同也衛恒傳言魏初傳古文者出於邯鄲淳至正始中立三字石經轉失淳法因科斗之名更效其形水經注亦云三字石經在堂西而伽藍記以為表裏隸書隋書經籍志則謂之一字石經矣然則所謂效科斗之形而失淳法者安在耶此言魏石經三體一體之不同也伽藍記二十五碑為三種字四十八碑表裏隸書水經注謂漢經在堂東側而四十八碑為魏經在堂西乃雒陽記不言東側有碑而云堂前有四十六枚上有馬日磳蔡邕名又不言字之為三體一體無乃并水經之所謂魏者而指之為漢與此言堂西所立石為漢為魏之不同也伽藍記云周易尚書公羊禮記四部雒陽記則多一論語而趙明誠金石錄言其家所收又有詩儀禮苟非其傳拓之本出於神龜以前則不應以宋人之所收而魏時猶未見也此言後魏所存石諸經之不同也凡此皆不可得而詳矣若夫魏書江式傳謂魏三字石經立於漢碑之西為邯鄲淳書則不攷衛恒之言而失之者也孝靜帝紀武定四年八月遷雒陽漢魏石經於鄴北齊書文宣帝紀言有五十二枚視伽藍記所列東二十五西四十八之數僅失二十一枚耳而隋書經籍志言河陽岸崩遂沒於水得至鄴者不盈大半則不考北齊之紀而夫之者也周書宣帝紀大象元年二月辛卯詔徙鄴城石

經於雒陽隋書於劉焯傳言開皇六年運洛陽石經至京師而經籍志則云自鄴載入長安則自不考其列傳而失之者也此皆其乖誤之易見者也又晉書裴頠傳曰轉國子祭酒奏修國學刻石寫經而水經注諸書無言晉石經者豈頠嘗為之而未成耶今此之本據宋黃長睿東觀餘論云本在雒宮前御史臺中年久摧散雒人好事者時時得之今張燾龍圖家有十版張氏塔家有五六版王晉玉家有小塊予皆得其拓本邵伯溫間見後錄言近年雒陽張氏發地得石十數而董道廣川書跋記尚書存二百三十六字論語存三百五十七字今此石已不知其何所歸而拓本之存於世者固往往而有也

黃虞稷曰漢石經殘碑見於洪氏隸釋者尚書僅五百四十七字視孔安國本多十字少二十一字不同者五十五字論語載盍毛包周有無不同之說公羊亦有嚴顏異同而詩則魯故所傳非毛鄭訓故此足貴也

按漢立石經蔡邕所書本一字惟因范史儒林傳云為古文篆隸三體書法以相參檢樹之學門而楊銜之洛陽伽藍記北史劉芳傳因之唐竇蒙宋郭忠恕蘇望方甸歐陽棐董道姚寬等均仍其誤獨張演謂邕以三體參檢其文而書丹於碑則定為隸其義為允載考衛恒及江式傳酈道元水經注皆以一字為漢石經迨趙明誠金石錄洪适隸釋隸續辨之甚詳足以徵信其載一字石經遺文後列堂谿典馬日磾等姓名使一字石經出於魏

當更列正始中正字諸臣姓名亦何取仍列典日
碑等諸人於經文之後哉又史家體例以時代為
前後隋經籍志列一字石經於前次魏文帝典論
然後叙三字石經於後是一字為漢而三字屬魏
不待辭說始明其曰魏正始中又立一字石經相
承以為七經正字蓋雕本相沿偶譌三字為一爾
今漢石經遺字猶有榻本存者余嘗見宛平孫氏
所藏雖經文無多而八分古雅定為漢隸無疑也
又按元吳萊立夫漢一字石經歌云先聖去已久
世傳惟六籍後儒各專門穿鑿多變易蔡邕在季
漢章句攻指擿八分自為書刊定乃勒石古碑四
十六兵火空餘迹熹平歷正始洛土重求索衛侯
師邯鄲三體精筆畫煌然立其西學者常嘖嘖史
書竟差舛一字幾不覿立夫之見亦以一字為漢
三字屬魏故節錄之

經義考卷二百八十七終

予孫壻金 蓉覆校

漢書卷二百八十一

三

晉書卷一百一十五

晉書卷一百一十五

